

mis, qui reliquas gentes vetustate antecellunt, rituumque Hebræorum maximi deprehenduntur æmulatores, suos Reges defunctos exceperint, videbimus. De quibus *Diodorus Siculus Lib. I. Biblioth. p. m. 65.* memoriæ prodidit sequentia: Ὅτι γὰρ ἐκλείπει τις τὸν βίον τῶν βασιλέων, πάντες οἱ κατὰ τὴν αἰγυπτον κοινὸν ἀνηρῶντο πένθῳ, καὶ τὰς μὲν ἐοθῆτας καταρρήττοντο, τὰ δ' ἱερὰ στυγέλιον, καὶ τὰς θυσίας ἐπειχον, καὶ τὰς ἱορτάς τε καὶ ἡγὼν ἐφ' ἡμέρας ἐβδομήκοντα καὶ δύο. καταπεπασμένοι δὲ τὰς κεφαλὰς πηλῷ, καὶ περιεζωσμένοι σινδόνας ὑποκάτω τῶν μαστῶν, ὁμοίως ἄνδρες καὶ γυναῖκες περιήσαν ἀθροισθέντες κατὰ διακοσίβης ἢ τριακοσίβης, καὶ τὸν μὲν θρῆνον ἐυθύθμως μετ' ᾠδῆς ποιῶμενοι δις τῆς ἡμέρας, ἐτίμων ἐγκωμίοις, ἀνακαλῶμενοι τὴν ἀρετὴν τῆς τελευτήκους, h. e. *Nam post Regum cuiuspiam è vita excessum omnes per Ægyptum, luctu communi suscepto, lacerare vestes, sacras aedes claudere, sacrificia inhibere, nec festa celebrare per LXXII. dies solebant: capitibus autem luto conspersis, sindone infra mammas succincti, viri pariter atque femine ad ducenas, aut trecentos circumibant, bisque in die lugubri carmine defuncti laudes concinne modulantes, virtutem ejus quasi ab inferis revocabant.* Idem *Diodorus* eodem libro p. m. 83. refert: *Liberum esse, & a lege potestatem habere quemvis demortuum accusare. Si vero nullus accusator se obtulisset, deposito cognatos luctu ad mortui laudes prosesfisse.* De genere quidem nihil, ut *Græcorum* consuetudo habet, eos memorare, quia omnes æque nobiles in *Ægypto* esse censentur. Sed ut a puero educatus & institutus, & ad virilem ætatem progressus, pietatem in Deos, & justitiam, itemque continentiam, & alias virtutes coluerit, recensere, Deosque infernos, ut in contubernium piorum recipiatur, obtestantes rogare. Vide ibidem plura. Huc quoque spectant, quæ *Herodot. Lib. II. LXXIX. p. m. 119.* de cantilena *Lino* seu *Manero* narrat, quæ filium unicum præmatura morte decedentem *Ægyptii* honorarunt.

§. VII.

Accedit porro quartum fundamentum, quo *Librum Recti* esse carmen confirmare conamur. Id patere existi-

ma-